

Cejina Rabîna ‘Îsayê Mesîh


Bê Bextî ya Yehudaî

U cejina Nanê Şikeva nêzîk bî yaku dibêjinê Cejina Derbazbînê. U hêştê serukêt qeşa u mamostayêt desturî hewil didan ‘Îsaî bikujin çunku tîrsa wan ji milletî bî. Iblîs çû dinav leşê Yehudaî da, yê ku digûtîne “Esxerîutî” u yê ku êk bî ji dwazde şagirda. Yehuda çû u digel serukêt qeşa u pasewanêt peristgehê axivî ka dê çawa ‘Îsaî dite destê wana. Îna keyfa wan hat u birrîar dan hindek para bidîne. Ew jî razî bî bi wê çendê u berê xu dida delîvekê da ku ‘Îsa dûrî xelkî bidite destê wan.

Şîva Dumahîkê

U Roja Derbazbînê hat yaku divîan berxê Derbazbînê têda ser jê kin. Îna Petrus u Yuhenna virêkirin u gut, “Herrin u bu me xwarina Derbazbînê amade bikin daku em bixwîn.” Pisîar jê kirin, “Te divêt em li kîrê amade bikîn?” Wî gute wan, “Demê hîn diçîne nav bajêrî, dê miruvekî cerê avê li ser milî bînin, hîn bigehinê heta mala diçitê, hîn bêjine xudanê wê malê, <Bêjite te jura mêhvana li kîve ye yaku ez Şîva Derbazbînê digel şagirdêtu têda bixwin?> Ew dê jurekê li texa dûê nîşa we dit, jureka mezine u raexstî ye. Hîn dê li wêrê amade kin.” Ew derketin u

çûn u ew tişt dîtin yê ‘Îsaî guti ye wan. U nanê Derbazbînê amade kirin.



Demê bî ye wexit, ew u hinartî digel êk rîniştin u gute wan, “Dilê min gelek diçûyê ez vê cejina Derbazbînê digel we bixwim berî ez bême êşandin. Ez dibêjime we, çunku ez êdî naxwim heta paşayeti ya Xwidê bi cih ne êt.” U perdaşek şerabê helgirt u supasîa Xwidê kir u gut, “Vê perdaşê bigirin u dinavbera xu da parvekin. Çunku ez dibêjime we êdî ez ji berhemê dara tirî naxwim heta paşayeti ya Xwidê ne êtin.” U nan helgirt u supasîa Xwidê kir, şikand u da wan u gut, “Eve leşê min e yê ku diber we da diête dan. Hîn vê ji ber bîrhatina min bikin.” U herwesa perdaş piştî şîvê helgirt u gut, “Ev perdaşê peymanî nî ye bi xwîna min yaku ji ber we diête riştin. U li ser sifirê destê wî kesî digel min e ewê min bidit destê neyara. U divêt Kurrê Miruv bi wî rengî biçit yê ku bu hati ye danan. Belê mixabinîa wî kesî yê wî bidite destê neyara.” Îna pirsîara êk u

dû kirin: tu bêjî kî ji wane vê çendê bikit.


U paşî weku hercar çû Çîayê Zeytûn u şagirdêtu wî bi dîv ketin. U demê gehiştîne, gute wan, “Nivêja bikin daku hîn ne kevine di taqîkirna da.” U nêzîkî dîratîa ber havêjekî ji wan dîr ket u çukêt xu danan u nivêj kir u gut, “Ey Babû, heker çê bit tu vê perdaşê ji min dîr bêxe. Belê bila heza te bit, ne heza min.” U firîşteyek ji esmana lê der ket u peyt kir. Li vêrê ‘Îsaî milmilanê dikir u bi



germî nivêj dikir, xuhdana wî weku xwîne dikete erdî. U paşî nivêj berda u hate def şagirda, berê xu dayê ji xema nivistîn. Îna gute wan, “We çî ye, hîn nivistîn? Rabin nivêja bikin, da hîn ne kevine di taqîkirin.”

Girtina ‘Îsaî

Demê hêş diaxivî, revdeka miruva hat u yê ku dibêjinê Yehuda li pêşîa wan bî. Ew jî êk ji wan dwazde şagirdan bî. Îna bi pêş ‘Îsaî ve hat daku maçî bikit.



‘Îsaî gutê, “Ey Yehuda, tu bi maçê Kurrê Miruv didî destê neyara?” Demê şagirdê ‘Îsaî zanîn dê çi rîdit, gutin, “Ey Xudan, em şîrî veweşînîn?” U êk ji wan şîr veweşand kuîlê serukê qeşa u guhê wî yê rastê birrî. ‘Îsaî gut, “Li vê çendê rawestin.” U dest havête guhê wî u sax kir. U ‘Îsaî gut serukê qeşa u pasewanê peristgehî u rihspîa, ewêt ku hatîne, “Erê hîn min weku dizekî dibînîn, hîn husa bi dar u şîrve hatîne min? Demê ez her ro li peristgehê li def we, we destê xu drêjî min ne kir. Belê eve delîva we ye u desthelatîa vê gavê bu tarîê ye.”


‘Îsa girtin u birin heta krîne dikuçka u serukê qeşa ve. U ew zelumê zîrevanî li ‘Îsaî dikirin, tirane pê dikirin u lê didan. U rîê wî dinxamitin u pisîar jê dikirin, “Pêxemberatîê bike, kî bî li te daî?” U gelek axftinê kirê digutinê.

U demê roj derketî, civata rihspîet milletî kumbîn, yaku ji serukê qeşa u mamostayê desturî pêkhatî. U birin pêşîa civata xu u gutin, “Heker tu Mesîh bî, bêje me.” Îna gute wan, “Heker ez bêjime we hîn bawer ji min nakin, u heker ez pisîarê ji we bikim, hîn bersiva min nadin. Belê Kurrê Miruv ji nuke pêve dê li destê rastê ye şîana

Xwidê rîniştî bit.” Îna hemîa gutin, “Anku tu Kurrê Xwidê î?” ‘Îsaî gute wan, “Ewê we gutî ez ew im.” Îna gutin, “Ma me çi pêdivî bi şahda heye? Eve me ji devê wî bi xu guh lê bî.”

Birina ‘Îsaî def Pîlatîsî

U paşî civata wan hemî rabîn u ‘Îsa birine def Pîlatîsî. U dest bi gunnehbarkirna wî kirin u gutin,



“Bu me dîar bî eve milletê me di serda dibit u nahêlit xuêk bu qeyserî bête danê. U dibêjit ez Mesîhê paşa me.” Îna Pîlatîsî pisîar jê kir, “Tu î paşayê Cihîa?” ‘Îsaî bersiva wî da, “Te bi xu gut.” Paşî Pîlatîsî gute serukê qeşa u civata li wêrê, “Ez çi gunneha ji vî miruvî nabînim.” Belê wan gunnehbartir kirin u gutin, “Ew milletê li hemî Yehudîê hand dit, her ji Celîl u heta vêrê xelkê fêr dikit.”

Dadkirna ‘Îsaî bi Mirnê

Pîlatîsî daxwaza serukê qeşa u seruka u milletî kir u gute wan, “We ev miruve îna ye def min ku milletî di serda dibit, u rêkê li wan berze dikit. Piştî min di hêzîrîbîna we da baş berê xu dayê, bu min dîar bî ku çi gunneha vî miruvî nîne ku hîn gunnehbarkirî. Vêca ewî çi tiştê wesa ne kirî ye ku hejî

mirnê bit. Ez dê qamcî dim u dê ber dim.”

Belê hemîa gazî kir, “Evî bikuje u bu me Barabasî ber de!” U ev Barabase ji ber têkve dan li bajêrê u kuştinê hat bî zîndan kirin. Dûbare Pîlatîsî gut u divîa ‘Îsaî azad bikit. Ewan pêk ve kirin gazî, “Xaç bide! xaç bide!” Îna cara sê Pisîara wan kir, “Vî çi gunneh kir ye? Ez çi gunneha wî nabînim ku hejî mirnê bit. Vêca ez dê qamcî dim u azad kim.” Belê ewan bi tundî u bi dengê bilind gazî kirin u xwastina xaçdana wî kirin. U dengê wan bi ser dengê wî kit. U Pîlatîsî ferman da u daxwaza wan bi cih îna. U ewê li ser têkvedan u kuştinê hatî girtin, li ser daxwaza wan azad kir. Belê ‘Îsa êxiste jêr birîara wan.

‘Îsa li ser Xaçê

Demê ewan ‘Îsa bu xaçdanê dibirin zelamek xelkê Qeyrewanê girtin, di gutinê Sim’an, ew zelame ji çemî vedigerîa u xaç danan ser milê wî daku li dîv ‘Îsaî helgirt. U gelek xelk ketbîne dîv wan digel hindek jina bu digirîn u li xu didan. Îna ‘Îsa li wan zivirî u gut, “Ey kiçê Urşelîmê, bu min ne girîn, belê bi xu u biçîkê xu bigirîn. Ha dê hindek roj ên xelkê dê bêjin: xinêka jinê bê ber ewêt bi tiştê ne ketîn u singê wana şîr ne daî ne kesê. Hingê dê bêjine çîa bi ser me da bi herfin u bêjine gira me bi nixêmin. Vêca heker husa bi çeqê kesik vekin, pa dê xalê çeqê hişkê çawa bit?”


U dû gunnehbarkirî digel ‘Îsaî bu

xaçkîrnê birin. U demî gehîştîne wî cihê dibêjinê Kilux, ew digel dû gunnehbara xaç dan. Êk ji wan li ser destê wî yê rastê u yê dî li destê çepê. U ‘Îsaî gut, “Ey Babê min, li wan bibure çunku ew nizanin ka çi dikin.” U cilkê wî bi pişkê li xu li kîve kirin. U millet li wêrê rawesta bî u berê xu didanê u her wesa seruka deqîş lê didan u digutin, “Xelk qurtal kirin, dê bila xu qurtal bikî heker rast Mesîhê li def Xwidê hilbijartî ye.” U her wesa serbaza jî tirane pê dikirin. U sihik pêşkêş dikirin u digutin, “Heker tu paşayê Cihîa î, xu qurtal bike.” U parçe depek li ser serê wî helawîst bîn, u ev çende li ser nivîsî bî, “Eve ye paşayê Cihîa”.

U êk ji wan her dû gunnehbara axiftinê ne drêda gutinê, u gut, “Ma tu ne Mesîhî î? Pa dê xu u me jî qurtal bike.” Belê yê dî paşvebir u gutê, “Tu di wî ka u danî da u ji Xwidê natirî? Hindî sizayê me ye, sizayekî rast e. Çunku em yê sizayê kirîara xu bi rastî distînin. Belê vî miruvî çî tiştê ne di cihê Xuda ne kirî ye.” U paşî gut, “Ey ‘Îsa, min bîne bîra xu demê tu diçî ye paşayetîa xu da.” ‘Îsaî gutê, “Bi rastî ez dibêjime te, tu dê evru digel min li fîrdewsê bî.”

Mirna ‘Îsaî

U nêzikî se’et şeş (dwazdeî nîvro) u heta se’et neh (sîe piştî nîvro) tarî kete hemî erdî, u tav reş bî u perda peristgehê di nîvêra ker bî. ‘Îsaî bi dengekî bilind gazî kir, “Ey Babê min, ez ruha xu didime destê te.” U piştî we gutî ruhî ji dest da.




U demê serpelî ev tiştê dîtî, pesna Xwidê kir u gut, “Bi rastî eve miruvê henê yê rast bî.” U her wesa ew kesê hatî ne xaçdanê bibînin, demê ew tiştê dîtî, danane singê xu. Belê hemî nîasê wî u digel wan jina ewê ji celîk digel hatî. Ji dîr ve rawesta bîn u berê xu di daneser u berê xaçdanê.

Veşartina ‘Îsaî

U miruvek ji civata rihspîet milletî hebî, navê wî Yusiv bî, miruvekê baş u rast bî. Ew digel birrîara civatê u kirîara wan ne bî. Ev miruve ji xelkê bajêrê Cihîa Ramê bî. U ew jî êk ji wan kesa bî yê çaverrêa paşayetî ya Xwidê dikirin. Ev miruve çû def Pîlatîsî u termê ‘Îsaî jê xwast. U paşî ji xaçê îna xwarê u kitan lê aland u ber gurrê di textê da kulaî da veşart, ew gure kesek têda ne hat bî veşartin. Ew roje roja amadekirna Roja Şembîê bî, ya ku nêzik dibî u ew jinê ji Celîl digel ‘Îsaî hatî, ketine dîv Yusivî u gur u seruberê veşartina wî dîtî. U paşî veşartî ve, u dermanê bêhin xuşî u çewirkinê amadekirin. U Roja Şembîê li dîv desturî bêhina xu vedan.

Saxbîna ‘Îsaî

Roja êkê ji heftîê, hêştî zî ew jinê çûne ser gurrê u derman u bêhina xuş ya ku ji berî hingê amadekirî, digel xu birin. Berê xu danê ew berê di derê gurrê da yê hatî ye girêlîkirin, belê demê çûne jur, termê ‘Îsayê Xudan ne dîtî. U guhişî man, u di wî demî da berê xu danê dû zêlam bi cilê çîrsî ve li tenîşt wan dirawestî ne. U tîrsê ew girtin u berê xu dane ber pêt xu, îna her dû zêlam gute wan, “Hîn



buçî li nav mirîa li saxa digerrin? Ew ne li vêrê ye, belê yê rabî! Bînine bîra xu demê hêş li Celîl gutî ye we gut bî: Divêt Kurrê Miruv bi destê hindeka bikevite destê gunnehkara, u bêt xaçdan u roja sîe rabet. Axiftina wî hate bîra wan u ji ser gurrê vegerrane ve u ew hemî dengubase bê kêmatî gehandine her yazde şagirda u xelkê dî. U ew jinê ew dengubase gehandî ne hinartîa eve bîn: Merîema Mecdêlî u Yunna u Merîema deyka Ye’qubî bîn, u digel hindek jinê dî ewê digel wan çûn. Belê axiftina wan li def hinartîa weku axiftina miruvekê bê huş bî bawerî bi wan ne îna. Belê Petrusî kire xar u çû ser gurrê. U demê xu çemandî ye hindav gurrê. Bi tinê patê pêçaî dîtî u ji wê rîdanê guhişî ma u çû.

Di Rêka ‘Imuas da

U her wê rojê dû şagird diçûne gundekê, dibêjinê ‘Imuas, ev gunde nêzikî heft mîla ji Urşelîmê dîr bî. U li ser hemî rîdanê peyda bîn diaxiftin. U demê ew diaxiftin u dan u standin dikirin, ‘Îsa nêzikî wan bî u digel wan bi rê çû. Belê çavê wan hatine perde kirin u ne nîasîn. U pisîar ji wan kir, “Hîn diçûna xu da liser çi diaxivin?” Îna rawestan u mirîtu bîn, u êk ji wan bersiv da, navê wî Kilîubas bî, u gutê, “Erê, ma tu bi tinê li Urşelîmê bîanî u tu nizanî ka li Urşelîmê çi rîda ye?” Îna gut, “Çi çê bî ye?” “Gutin ewa bi serê ‘Îsayê Nasirî hatî ew pêxemberê beramberî Xwidê u hemî milletî yê desthel u çawa serukê qeşa u karbedestê me ji nav birin u xaçdan. Belê hîvîa me ew bî u me hizir dikir, ku ew dê Îsrailê rizgar kit, belê eve sê roje hatî ye xaçdan. Belê hindek jina emê guhişandîn, ev jine hêş spêdê zî çûne ser gurrê u termê wî ne dîtin u vegerrane ve u gutine me dû frîşte dîtin dibêjin ‘Îsa yê sax e. U hindek ji ewê digel me çûn u dîtin ew rast dibêjin, belê ew bi xu ne dît.” ‘Îsaî gute wan, “Ey tê ne gehîştînu. Hîn evê bawerîa we bi hemî gutinê pêxembera kê: Ma ne divîa Mesîh wa hemî nexuşîa bibînit u paşî biçit u bi gehite mezinatî ya xu?” U paşî bu wan hemî ruhinkir, her ji Musai u hemî pêxembera bigire u ka çi behsê wî di hemî kitêba da hatîye kirin.

U paşî nêzikî wî gundî bîn, ew gundê her dû şagirda divîa biçinê, belê ‘Îsaî ji xu gute wan ez dê çime erdekî dîrtir. Belê wan hîvî jê kirin u gutinê bimîne def me her wexte rojê dê avabit, u êvar nêzik bî. ‘Îsa digel wan çû jur. U demê digel wan palqedaî, dest havête nanî u pîruz kir u şikand u da wan. Hingê çavê wan vebîn u naskirin u paşî berze bî. Êk ji wan digute yê dî, “Ma ne dilê me di singê me da disut demê di rêkê da digel me diaxivit u bu me pertukê pîruz ruhî dikirin?” U paşî herhingê rabîn u vegerrhan Urşelîmê u her yazde u digel yê dî dîtin yê kubîn, u digutin, “Rast e Xudanê rabî u yê xu nîşa Sim’anî daî!” U ew çenda di rêkê da rîdaî u çawa naskirin demê nan şikandî gehandî ne wan.

‘Îsa Xu Nîşa Şagirdê xu Didit

Demê herdûka behsê hindê dikir, ‘Îsa bi xu di navbera wan da rawesta u gutê, “Aştî bu we bit! Belê ji tirsanda li def wan ew bî yê reşekê dibînin. U gute wan, “We çi ye, hîn têkçûn? U buçî hîn ne rehet in? Berê xu bidin dest u pê min, ez bi xu me, dest bikine min u rastî bizanin. Hindî reşe çi goşt u hestî nîne weku hîn dibînin.” Demê ew çend gutî, dest u pê xu nîşa wan da. Ewan hêştî ji keyf u guhişînê bawer ne dikir. Gute wan, “We li vêre tiştêkê xwarnê heye?” Îna kerekê masîa birajtî danê u li ber çavê wan wergirt u xwar. U paşî gutê,

“Eve ew gutine ya ku hêş ez dinav we da min gutî ye we ku divêt çi tiştê di desturê Musai u pertukê pêxembera u li ser min hatî nivîsîn bi cih bêt. U paşî bîr u hişê wan vekirin daku di pertukê pîruz bigehin. U gute wan, “Husa ya hatî ye nivîsîn u husa divîa Mesîh bêtin êşandin u roja sîê ji nav mirîa rabit. U bi navê wî ragehandina peşêmanî u lêburîna gunneha li hemî milleta bête kirin ku ji Urşelîmê dest pê bikirin. U bibine şahdin li ser van kar u bara. Eve ez dê wî tiştê babê min suz pê daî bu we hinêrim, belê li bajêrî bimînin heta hîn ji banê bilind ji hêzê bi çî bikevin.”

Çûna ‘Îsayê Mesîh bu Esmana

U paşî birne Bêrînê ji dervê bajêrî, u destê xu bilind kirin u ew pîruz kirin. Demê ew pîruz



dikirin, ji wan veqeta u bu esmana hate bilind kirin. U paşî ‘Îsa peristin u bi keyfek mezin vegerrhane ve Urşelîmê, u berdewam diçûne peristgehê u pesina Xwidê dikir.

- Mizgînîa Luqai 22:1-23, 39-54, 63-71; 23:1-5, 13-16, 18-56; 24:1-53